



Doris J. Jensen  
Inatsisartunut ilaasortaq, Siumut  
inatsisartut@inatsisartut.gl

**Imarsionermi pissutsit pillugit § 37 naapertorlugu apeqquteqaammut 2022-167-  
imut akissut**

29-09-2022

Suliaq nr.: 2022 - 16986

Id. nr. 80408325

Asasara Doris J. Jensen

Inatsisartut suleriaasianni § 37 naapertorlugu imarsionermi pissutsit, tassungalu ilanngullugu nunani tamalaani isumaqatigiissutit, suliassaqarfinnik tiguisarneq, imarsionertunik illersuisarneq kiisalu ilinniakkanut uppersaatit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909

3900 Nuuk

Tlf.: (+299) 34 50 00

E-mail: [box909@nanoq.gl](mailto:box909@nanoq.gl)

[www.naalakkersuisut.gl](http://www.naalakkersuisut.gl)

**Apeqqut 1: IMO-p ataani konvention atuuttut sisamaapput, taakkunanilu konvention sisamaasuni Namminersornerullutik Oqartussaagattali 1997-mili MARPOL konvention tiggummivarput. Pilersaaruteqarffigineqarpa konvention sinnerisa oqartussaaffigineqalernissaat? Pineqarlutillu STCW, SOLAS, MLC konventionit.**

Akissut: Apeqqut Namminersorlulik Oqartussat isumaqatigiissutaannut taaneqartunut suleqataalersimanerannut tunngasutut paasineqarpoq, nunani tamalaani IMO-mut isumaqatigiissut tigguneqarsinnaanngimmat.

Aamma oqaatigineqassaaq, Kalaallit Nunaat naalagaaffeqatigiinneq aqqutigalugu SOLAS-imut isumaqatigiissummut ilaareemat, imaani isumannaallisaanermut inatsit Kalaallit Nunaannut atuunneratigut.

Kalaallit Nunaat MLC-mut isumaqatigiissummut ilaanngilaq, kisiannili inatsimmi paragraf § 77-imi allassimasutut MLC-mut isumaqatigiissummi annertooq imarsionertut atorfeqarnerminni atugaat pillugit inatsisip kunngikkormiut peqqussuteqarnerisigut atuutsinneqalersinnaavoq.

Kalaallit Nunaat STCW-mut isumaqatigiissummut ilaanngilaq.

Naalakkersuisut inatsisip, isumaqatigiissutini taaneqartuni piumasaqaatinik malinninnissamat pisariaqartinneqartup atuutilersinniarnerni periarfissat unammilligassallu pillugit naalagaaffimmi oqartussaasunik oqaloqateqarnerit ingerlaavartumik ingerlappaat.

**Apeqqu 2: Inuttat aqumiuppata kilisaatiniippat aalisariutiniippat niuffagiutiniippata nunatsinni najugaqarpata inuttut sulinerminnut atatillugu illersugaanngillat. Umiartortut inatsisaat Danmarkiminngaanniik nunatsinni atuutsinneqalernissaa sulissutigineqarpa?**

Akissut: Inatsisartut UPA2017/135 aqutugalugu Naalakkersuisunut peqqusipput, imarsiortut atorfeqarnermini atugaat pillugit inatsisip atuutsinneqalernissaanut peqqussutissamut missingersuusiornissaq siunertaralugu danskit naalakkersuisuinut saaffigineqqullugit. Oqaloqatigiinneq taanna suli ingerlavoq.

Oqallinnernut taakkununga ilagitillugu suliassaqaqfiup tiguneqarnera qanoq amerlatigisunik aningaasartuuteqarfiussanersoq paasinarneqarpoq. Naalakkersuisut suliassaqaqfinnik sinneruttunik tigusinissamut ingerlaavartumik suliniuteqarnerannut ilagitillugu, suliassaqaqfiit tulleriissaarlugit tigoqqarneqarsinnaasut tamarmik tiguneqarnissaannik siunissamut ungasinnerusumut pilersaaruteqarput.

**a. Aamma inuttat atorfeqarnerminnut atatillugu illersorneqarnissaat sulissutigineqarpa?**

Akissut: Matuma siuliani allasimasut takukkit.

**Apeqqu 3: Skibsregister umiarsuarnik nalunaarsuisarneq imaanilu inatsiseqarneq nunatta akisussaaffittut tigusinissaa pilersaarutigineqarpa? Nalunaarusiortoqareernikuuvoq.**

Akissut: Suliassaqaqfimmik tigusinnginnermi inatsisit iluarsaanneqassasut Imarsiornermut Aqutsisoqarfimmit inassutigineqarpoq. Tamanna ingerlaavartumik sulissutigineqarpoq.

**4. Tunngaviusumik imarsiortortatta kalaallit pigisatsinnik niuffagiutaappat kilisaataappat inuttat naammassisimasut tamakkiisumik atorfeqarnissaat qanoq qulakkearniarneqarpa? Tassami STCW konvention tunngavigalugu, tunngaviusumik Imarsiornermik ilinniarsimanermut uppernarsaateqarmata.**

Akissut: Umiarsuaatileqatigiiffiit ataasiakkaat namminneerlutik kikkut umiarsuaatiminni atorfeqassanersut aalajangertussaavaat. Pisut ilaanni suliatigut misilittagallit, soorlu nalinginnaasumik ilinniagaqarsimasuniit pilerigineqarnerusinnaapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Erik Jensen